

14 MAY 1997

ANUAR RASMIKAN MIM '97

KUALA LUMPUR, 14 Mei (Bernama) -- Timbalan Perdana Menteri Datuk Seri Anwar Ibrahim hari ini merasmikan persidangan dan pameran barangan Buatan Malaysia (MIM '97) bertujuan menarik minat rakyat negara ini membeli barangan buatan tempatan.

Persidangan dan pameran itu juga sebagai usaha meletakkan jenama barangan buatan Malaysia ke peringkat antarabangsa.

Ia dianjurkan antara lain Pusat Perniagaan dan Teknologi Maju, Universiti Teknologi Malaysia dan RMC Management Corporation (M) Sdn Bhd.

MIM '97 diadakan sempena sambutan ulang tahun ke 25 UTM dan ia merupakan antara langkah untuk menyokong industri pembuatan dan servis di Malaysia di bawah program Teknologi Industri Universiti (UNITAP) yang dilancarkan Perdana Menteri Datuk Seri Dr Mahathir Mohamed tahun lepas.

Pameran akan diadakan selama empat hari bermula hari ini dan persidangan pula diadakan selama tiga hari mulai esok di Pusat Dagangan Dunia Putra di sini.20

Lebih 100 ruang pameran ditempah untuk mempamerkan kepakaran, teknologi, khidmat dan barangan buatan Malaysia kepada masyarakat tempatan dan antarabangsa.

-- BERNAMA

MAM AHH